

Սինոդի անունով արած կարգադրութեան մասին. այլ և զօհունակութիւն և օնհնութիւն յայտնուեց Յանձնաժողովին, որ իւր կազմակերպութիւնից յետոյ զգալի օգուտ է ցոյց տուել 1905 — 1906 թ. թ. հայ-թրքական ընդհարումներից ֆնասուածներին ու թշուառներին: 18 մարտի, թ. 415:

Դիւանի գրութեամբ յանձնուեց Մայր Աթոռի մատենադարանապետ Տ. Յուսիկ արքեպիսկոպոսին պ. Սիմէօն Հայրապետեան Հախումեանցի Երեւանի փոխ-թեմակալ Տ. Խորէն եպիսկոպոսի միջոցով ուղարկած հետեւեալ ձեռագրերը: 1) Գրիգոր Տաթևացի, ամռան հատոր, 2) Մեկնութիւն Աւետարանի, ըստ Յովհաննու, XVII դարու թարգմանութիւն. 3) Մաշտոց XVII դարու. 4) Ատենի Ժամագիրք տպուած XVII դարու (1642 թ.): 25 մարտի, թ. 441:

ՍԻՆՕԴԻ ՕՐԱԳՐԵՐԻՅ ՔԱՂՈՒԱՅՆԵՐ

Սինոդը՝ համաձայն Վեհափառ Կաթողիկոսի մակադրական պատուերի, որոշեց. թոյլ տալ նամախու Կոնսիստորիային հոգեւոր կոչման մէջ ընդունել և ձեռնադրել քահնայ Դեօբչայի վաւ. Աղայիշէն զիւլի վրայ նոյն զիւղացի Արեթնազով Թամրաղեանցին: 26 փետրուարի, թ. 81:

Սինոդը՝ ըսելով նոր-նախիջևանի և Բենսարաբիայի Կոնսիստորիայի այս տարուայ փետրուարի 4-ի N. 305 յայտարարութիւնը, որոշեց. նախ՝ բացատրել նոյն Կոնսիստորիային, որ հայ-լուսաւորչական դաւանութիւն ընդունած հրէաները կարող են նորից դառնալ իրենց դաւանութեան՝ համաձայն 1905 թ. ապրիլի 17-ի Բարձրագոյն հրովարտակի, և, երկրորդ, վերսին յիշեցնել Կոնսիստորիային, որ հրէաներին հայ-լուսաւորչական եկեղեցու զիրկն ընդունելիս լինեն խիստ զգոյշ և ամեն անգամ ստուգեն թէ նրանք ներքին համոզմունքից գրգուռ են դիմում քրիստոնէութեան, թէ ուրիշ նկատումներով: 26 փետրուարի, թ. 83:

Սինոդը որոշեց. հաստատել Մ. Աթոռի վանական կառավարութեան կատարած աճուրդը՝ Օշականի վանքապատկան «Դաշտ» հողերը կապալով տալու մասին, և թոյլ տալ վանական կառավարութեան նօտարական պայմանով տալ «Դաշտի» հողերը Օշականցի Բագրատ Խաչատրեանին տարեկան 800 ռուբ. վարձով, հինգ տարի ժամանակով, սկսած այս 1914 թ. յունուարի 1-ից մինչև 1919 թ. յունուարի 1-ը: 26 փետրուարի, թ. 84:

Սինոդը որոշեց. համաձայն Հեհափառ Կաթուղիկոսի բանաւոր պատուերի փոխադրել Տարօնում կառուցուելիք Պոպովեան վարժարանի շինութեան համար Տարօնի առաջնորդին 2000 ռուբլի Սինոդի գանձարանում այդ նպատակով պահւող գումարից: 27 փետրուարի, թ. 86:

Թագուհի Կայսրուհու խնամատարութեան տակ գտնւող խուլերի և համրների Հոգաբարձութեան Կովկասի բաժանմունք խորհրդի այս տարուայ փետրուարի 24-ի գրութեան համաձայն Սինոդը որոշեց. պատուիրել Վրաստանի, Շամախու, Երևանի և Ղարաբաղի թեմակալ առաջնորդներին կարգադրել, այս տարուայ մարտի 22-ին թեմերի քաղաքների հայոց եկեղեցիներում գանձանակ շրջեցնել երեցփոխանների ձեռքով յօգուտ խուլերի և համրների և գոյացած արդիւնքն անմիջապէս փոխադրել Հոգաբարձութեան Կովկասի խորհրդի անունով: 3 մարտի, թ. 97:

Սինոդը՝ լսելով Վաղարշապատի հասարակութեան հաւատարմատարների փետրուարի 27-ի յայտարարութիւնը, վանքի և զիւղի «Շահարխ» առուի նորոգութեան անհրաժեշտութեան մասին, որոշեց. պատուիրել Մայր Աթոռի վանական կառավարութեան զիւղացիների հետ միասին նորոգել «Շահարխ» առուն, հոգալով լինելիք ծախքի կէսը: 5 մարտի, թ. 98:

Սինոդը՝ Ղարաբաղի կոնսիստորիայի միջնորդութեան համաձայն, որոշեց. թոյլ տալ Շուշիքենդ զիւղի համայնքին նորոգել զիւղի հանգստարանի մօտ գտնւող հին եկեղեցին, ծախսելով ըստ ներկայացրած նախահաշուի 2736 ռուբլի: 5 մարտի, թ. 100:

Սինօզը՝ քննութեան առնելով նոր-Բայազէտի գաւառի Ղշլաղ զիւղի Ղևոնդ քահնայ. Տէր-Մխիթարեանի մեղադրական գործը անվայել ընթացքի համար, որոշեց. հաստատել Երևանի կոնսիստորիայի որոշումը, որով անպարտէ ճանաչուած յիշեալ քահանան՝ իրան վերագրած յանցանքն ապացոյցանելու համար զօրաւոր փաստեր չլինելու պատճառով: 7 մարտի, [թ. 106:

Սինօզը որոշեց. համաձայն մարտի 5-ին կայացած աճուրդի Մ. Աթոռին պատկանող Տայլար հողերը (Ղարսի շրջ.) 615 դես. տարածութեամբ տալ կապալով Աղէքսանդրոպոլցի Բարութիւն Մահտեսի նաղարեանին և Գէորգ Միքայէլեանցին փոխադարձ երաշխաւորութեամբ ինն տարի ժամանակով, սկսած այս 1914 թ. յունուարի 1-ից մինչև 1923 թ. յունուարի 1-ը, տարեկան 2200 ռ. վարձով, քտանալով կապալառուներին 1100 ռուբլի գրաւական, որ ֆինալու է Մ. Աթոռի գանձարանում մինչև պայմանաժամի լրանալը: 8 մարտի, [թ. 108:

Սինօզը՝ Երևանի նահանգ. Դատարանի Դատախազի առաջարկութեան համաձայն, քննութեան առնելով Աղէքսանդրոպոլի գաւառի Սուվանվերդի զիւղի Արշակ քահնայ. Տէր-Սարգսեանի մեղադրական գործը տեղի փոխ-խնայողական ընկերութեան գումարները վատնելու համար, որոշեց. յայտնել յիշեալ դատախազին կարծիք, որ Արշակ քահանան մեղաւոր է պատժ. օր. 354 և 1155 յօդուածներով: 8 մարտի, [թ. 109:

Սինօզը՝ քննութեան առնելով Գանձակի ս. Բովհաննէս եկեղեցու նախկին երեցփոխան Ս. Բաբաքեխեանի և Հ. Կառավարութեան քարտուղար Հ. Մելքոնեանի մեղադրական գործը, որոշեց. հաստատել Վրաստանի կոնսիստորիայի որոշումը և յանձնել Բաբաքեխեանին ու Մելքոնեանին մարմնաւոր իշխանութեան դատին առաջին դրամական ղեղձումներին համար պատժ. օր. 354, իսկ եկրորդին կեղծիք կատարելու համար նոյն օր. 362 յօդ-

ուածներով, վերջինն անմիջապէս արձակելով պաշտօնից։
10 մարտի, թ. 110։

Սինօզը՝ քննութեան առնելով Վաղարշապատցի Պօղոս Մազեանի տեղի ս. Աստուածածին եկեղեցու համար քահանայ ձեռնադրելու վերաբերեալ գործը, և ի նկատի ունենալով, որ ընծայացուն պսակուել է այրի կնոջ հետ որոշեց. մերժել Պօղոս Մազեանի խնդիրը քահանայ ձեռնադրուելու մասին, որովհետև եկեղեցական կանոններով (Առաքել. կան. յօդ. 2.։ Դետաց. գիրք ԻԱ—13, եղեկիէլ ԽԳ—22, Առաքել. Բ. կանոն, յօդ. 16) այրի կնոջ հետ ամուսնացածը չի կարող քահանայ դառնալ։ 14 մարտի, թ. 114։

Սինօզը՝ քննութեան առնելով Զանգեզուրի գաւառի Ուզ գիւղի Առաքել քահանայի Տէք Պօղոսեանի մեղադրական գործը, որոշեց. ի նկատի ունենալով, որ յիշեալ քահանայի հարբելու սովորութիւն է ունեցել և այդ վիճակում թոյլ է տուել իրեն մի շարք կոչմանն անվայել արարքներ, իսկ այժմ, զղջալով, թողել է այդ սովորութիւնը, բեկանել երեւանի Կոնսիստորիայի որոշումը Առաքել քահանային կարգադրոյժ անելու վերաբերմամբ և ենթարկել նրան երեքամսեայ եկեղեցական ապաշխարանքի Տաթևի վանքում։ 17 մարտի, թ. 120։

Սինօզը՝ լռելով Ղարաբաղի թեմական դպրանոցի Հոգաբարձութեան միջնորդութիւնը՝ Ղարաբաղի թեմում գտնուող վանքապատկան կալուածների կառավարութիւնը նոյն Հոգաբարձութեան յանձնելու և եկամուտը թեմի դպրոցական գործին յատկացնելու մասին, որոշեց. յայտնել նոյն Հոգաբարձութեան, որ Սինօզը առնելով իւր անմիջական տեսչութեան տակ թեմի կալուածների կառավարութիւնը, նորա օգտագործութիւնը կանոնաւորելու և նպաստաւոր պայմանների մէջ զննելու համար հոգացել և հոգ է տանում, միւս կողմից՝ Սինօզը զրազրութեան մէջ է կովկասեան բարձր հշխանութեան հետ կալուածք-

ներում ապօրինաբար հաստատուած թուրք և քիւրդ թափառականներին հեռացնելու համար, և առհասարակ ընթացքի մէջ են կալուածքին վերաբերեալ մի շարք վիճելի հարցեր, որոնց Սինօղը ընթացք է տալիս: Այնուամենայնիւ Սինօղը՝ կամենալով նպաստել Ղարաբաղի թեմի դպրոցական զործին, կալուածների կառավարութիւնը վերջնականապէս կանոնաւորելուց և բաւարար եկամուտ ստանալուց յետոյ հնարաւոր չափերով մասն կը հանէ թեմի դպրոցներին: 19 մարտի, թ. 128:

Բարձրագոյն ներման արժանացած ֆահանգներ

Նոռին Կայսերական Մեծութեան բարձրագոյն ներման են արժանացել և վերստին իրենց քահանայական և անհատական իրաւունքներն ձեռք բերել՝ Ազգիս Վեհափառ Հայրապետի միջնորդութեան համաձայն և Պետական Դումայի անդամ պ. Միքայէլ Պապաջանեանի աջակցութեամբ Շուշի քաղաքի երեք քահանաներ—Գարեգին աւագ քահանայ Տէր Յովհաննիսեան, Կարապետ քահանայ Վարդապետեանց և Արսէն քահանայ Հախումեանց: Այդ քահանաները մեղադրուած էին հայ թուրքական ընդհարումների ժամանակ 1895—96 թ. Շուշու Ազուլեաց եկեղեցու մէջ պայթուցիկ նիւթեր գտնուելու պատճառով՝ որի համար դատուեցին և վերջին երեք տարին 1910 թ. նոյեմբերից մինչև 1913 թ. նոյեմբեր ամիսը նստած էին Շուշի քաղաքի բանտում, իրաւունքներից և քահանայական կոչումից զրկուած:

